

精萃
漢隸
書大字典

掃葉山房發行

623
S1712
1

續東坡全集
卷之六

隸篇序

東萊同年友翟君文泉性耽六書尤嗜隸古吉金樂石搜奇日富蓋寢食於中者四十餘年近取所得金石選字雙鉤區分部類彙爲隸篇一書陳偉堂少宰特嘉其體例之善信然而體例之在編字者所未暇及余復爲約略言之夫隸法善變率似異而實同列在字書輒多分析是書編字概準類篇故著別於箸春別於春而主客互應其或因形易義質之隸法昔不如今如謂王非玉摻非操者則詳加辨說成式是循習俗無狃大氏然矣亦有銓量由心酌爲位置者撮舉如左一曰類篇一字每疊見數部茲揆以說文各主所屬荆專歸艸從專歸从是也一曰類篇不收同音假借之字茲仍按偏旁繫之本部而著其所通禎讀爲禎琦讀爲奇是也一曰字爲類篇所無而確如所有齋猶夫齋義猶夫莪卽以當齋與莪也社生於社詒生於詒卽以當社與詒也一曰羸以損而爲羸兩以益而溷兩王以譌而肖王勒以誤而成鞞憲以轉移而得

悞皆以抵所當然作未嘗損益譌誤轉移觀也至於皓白字正從
日而類篇以爲從白寒涼字正從水而類篇以爲從火若此之疇
則不得趨非而偕是貶古而徇今矣又如尋不言止故尋麗於寸
穰旣省禾故康傳於庚此行權而不戾乎經者也凡與類篇依違
離合皆由精識靡不適宜編字體例辜較如是是書無發凡試以
此代之亦司馬溫公序類篇之意云爾道光十有八年歲在著雍
閏茂季夏之月聊攝東樵楊以增書於安襄鄖荆道官舍

隸篇序

予年十三應童子試主瞿君文泉家遂締交旣而補博士弟子員食廩餼領鄉薦皆同年情好彌篤逮予宦京師文泉來詣公車必與數晨夕談笑歡洽一如在郡時今不與晤歷十六年矣前年秋倩予中表弟譚怡堂攜所纂隸篇十五卷見示寓書曰是區區者不足言著述況學殖淺研辨討論非疏卽濫婁欲易稿因病未能今出以就正者以君知我深當不我姍笑也時予承乏銓曹公冗少暇退食之頃輒一繙閱卷旣終持謂怡堂曰善哉此書之體例乎以部領字如枝附榦而筆迹各異者易於對觀也以摹代臨如景隨形而楷式所存者期於曲肖也此爲從前所未有卽爲後來所不可無矣且夫隸之爲字也兼正借判古今未諳乎此往往曲爲之說而義難通又如別體駁文在兩京亦所不免學者重於所受承用固宜然習矣而竟不察幾於是末師而非往古矣此書於諸字悉爲著明或因委而滌原或假賓以定主可以扶羣經之絕

學祛字書之積習破世俗之拘墟偶有忽遺猶申緒論非所篤信
時復闕疑此雖襲前人之成跡而詳審奚翅倍之既無從指其疏
又安得目爲濫耶枕中之藏不宜終祕爲付剞劂公諸同好可乎
怡堂以爲然欣然爲董其事先是聊城楊東樵觀察聞文泉有是
作嘗欲爲梓行乃合謀而同郡邑諸戚好及一時鉅公官吾東者
又樂與贊成焉去年夏五月遣工抵萊就文泉所開彫文泉館諸
從叔穉橋丈之來薰園晨夕考誠并校舛誤越年餘而工告竣爲
書簡端以志不朽

道光十八年夏五月平壽偉堂陳官俊序

隸篇序曰自南宋以來集隸字爲書者皆以韻分愚以爲保氏六書羣於偏旁說文偏旁五百四十分別部居爲文字根苑繇篆變隸去繁趣約非偏旁無以觀其變非分別部居無以觀其變之變隸篇所爲作也洪文惠公之言曰字書行於今者篇莫加於類篇類篇之編字也頗異說文而不竄亂偏旁之舊是以篇內部居式遵乎此其有未收則文惠所謂所載隸古以石刻校之攬撫尙多脫略者今以所得比類羣入譬諸艸木區以別矣而一艸之中芸若殊莖一木之間松柏各葉且於終卷目錄竊取顧氏隸辨偏旁之意而引伸之推本說文以篆爲綱凡篆同而隸異者屬焉又副以通例以隸爲綱凡隸同而篆異者屬焉經緯參互曲盡其蘊所以觀其變與變之變者於是乎在矣至於所據遺文爲拓本爲可信之樞本手自雙鉤豪芒必謹一點一畫疑似闕如而於諸箸錄家無所販鬻以劉氏隸韻婁氏字源以下諸書皆經傳寫重棗漸失本真沿譌襲繆心所未安爾嘗慨金石隸古流傳至今者視宋

人所錄裁三之一耳間有後出不敵所亡余又伏處海濱見聞竝
盜猥欲捋盈卷軸豈易爲功賴諸同志不吝所藏競相餽遺積數
十年得溢百種羣分類聚連綴成篇然而粗具規模尙多罅漏非
有衛荊居室之節不無馮煖彈劍之思是後復徵遺佚相繼登來
余以甲子餘年因此區落而廣益之乃爲厚幸耳同志者謂蒙古
奎榆邨觀察昌錢塘吳仲雲觀察振棣石埭方友山司馬熙海昌
許珊林刺史棟元和張六琴巡政祿卿漢陽葉潤臣名澧道州何
子貞紹基何子穀紹業海豐吳子苾式芬日照許印林瀚安邱王
萊友筠諸城劉燕庭喜海李月汀璋煜蓬萊葛瀛賓元昶棲霞牟
晨星房濰縣譚怡堂均讚郭次虎熊飛劉徽五文典陳敬堂官僑
陳壽卿介祺膠州張不羣羣雁孫貽亭榮曾孫雲舫榮昃傅鐵巒
賡巖柯康侯名晉孫渥田旣堂張小雲祖樾同邑呂筠莊延慶諸
君子也道光十有五年歲在乙未秋八月東萊翟云升書

隸篇金石目

西漢

君子館甄 景武閒

君子

道光初肅寧苗仙露 學植 得之郊野瓦礫中肅寧漢河閒地
河閒爲漢景帝子獻王德封國宋史太宗紀契丹敗劉廷讓
軍於君子館金史地理志河閒府河閒有君子館三輔黃圖
河閒獻王德置客館二十餘區以待學士君子館蓋卽獻王
所置二十餘區之一也又河閒府志瑣錄云河閒有毛精壘
者里俗以稱毛公冢名至不雅馴明時舊志載有御史胡姓
者過毛精壘夢一人紫衣幘頭來謁自謂毛公寤而詢父老
云有毛精壘乃漢毛萇墓因令穿之得石志有明道於君子
館設教於詩經邨之語亟掩之而謀於太守立祠今河閒府
北三十里堡有毛公祠祀獻王博士毛萇距祠二三百里有邨



曰君子館聞獻縣人盧和圃

中致

令榮城者言祠內掘得古

碑有明道於君子館二語蓋祠卽御史胡所立而古碑卽御史所得之石志據此則獻王築是館專以待小毛公者此軼其所施也獻王以景帝前二年封薨於武帝元光五年築館當在此二十六年之內

地節買山石刻

地節二年

地節二口正月巴州民楊量買山直錢千百作業口子孫永保其母替

石出蜀中吳興錢安父得之攜歸藏於家

魯孝王石刻

五鳳二年六月四日

天鳳石刻

新天鳳三年二月十三日

始建國天鳳三年二月十三日美子侯房支人爲封使偕子良等用百余人後子孫毋壞貶

嘉慶二十二年滕縣顏逢甲得此石於鄒縣南臥虎山下移

置孟廟題識於石之右

東漢

建武泉范 建武二十年三月

建武中平三月丙申大僕監掾蒼孝工令通丞或令史鳳工周儀造

漢陽葉東卿 志說 所藏器

開通褒斜道石刻 永平六年

跳山造冢石刻 建初元年

大吉昆弟六人共買山地建初元年葬地直三萬錢

在會稽跳山摩崖

永元石刻 永元八年二月十日

永元七年九月辛卯朔昌德口于口口以君口佐立是堂八手二月十日戊戌工成口一十九丈 下 直錢十萬君卒治 下 令建

初九年 下 君 下 弟兄竝立

嘉慶二十一年魚台馬寄園

邦玉

得殘石於鳧山前寨里井

闌邊移置家塾次年厥弟臥廬

邦舉

又訪得石之後半於井

北人家兩石合之成完璧拓本模糊已甚今諦視又參以寄

園釋文得字如右

王稚子左闕

無年月據隸釋稚子以元興元年卒故列於此

祀三公山碑

元初四年

此與隸釋所載之三公山碑不同故題加祀字以別之

篆體不錄

嵩山太室闕銘

元初五年四月

子游殘碑

無年月安陽縣志以後故附於此

以碑文度之子游之歿蓋在元初之

嵩山少室東闕題名

無年月以前

少室闕銘在延光二年故列延光

延光碑

延光四年六月卅日

孝堂山畫象題字

無年月以題名在永建四年故列其前

孝堂山畫象題名

永建四年四月廿四日

裴岑碑

永和二年八月

金石圖云碑在西塞巴爾庫爾

亦爲巴爾庫勒舊名巴里坤

城西五十里

地名石人子以碑上銳下大孤筍挺立望之如石人故也雍正七年大將軍岳鍾琪移置將軍府十三年徵師又移置漢壽亭侯廟今案其地圖石人子實在巴爾庫爾城東漢壽亭侯廟在城之直北皆瀕巴爾庫爾淖爾之支流淖爾譯言海也支流之上爲巨浸今名海子在漢爲蒲類海碑自乾隆二十二年裘文達公按行西域以拓本歸求者日衆戊卒居民摹刻射利凡數本故世所傳者多雁鼎也大興徐星伯松新疆北路賦自注云祁連山卽巴里坤南山山下臨巴爾庫勒淖爾有漢裴岑紀功碑星伯親歷其地嘗手搦之此本李月汀所贈來書云徐星伯太史手拓者與此分豪無異世人多信耳不信目可怪也案著錄諸家皆以作除西域之灰

兩漢金石

記云灰卽災字

立德祠以表萬世者爲真而以灰作疚德作海者爲偽此本正作疚作海然其字蒼勁古茂剝泐處皆出自然斷

非摹刻者所能到又玩其文義疚字較庾字爲優曰海祠者
石人子在海岸卽祠之故趾也亦較德祠爲切然則此本爲
眞而諸家所錄者反僞也

仙集題字

漢安元年四月十八日

北海相景君銘

漢安三年仲秋

景北海碑陰

武斑碑

建和元年二月廿三日

武斑碑額

武斑碑陰

武氏石闕銘

建和元年三月四日

石門頌

建和二年仲冬上旬

武梁祠畫象題字

無年月以隸釋武梁碑在元嘉元年故附武氏祠諸畫象題字於建和之後

武氏前石室畫象題字

武氏左右石室畫象題字

武氏祠祥瑞圖題字

孔子見老子畫象題字

無年月當與武氏祠諸畫象題字同時故附於此

孔龢碑

永興元年六月十八日

李孟初神祠碑

永興二年六月十日

孔謙碣

永興二年七月

孔君墓碣

永壽元年

李壽石刻

永壽元年

右扶風丞捷為丞陽李君諱壽字季士以永壽元年年中斛大
臺口由其界下口口霞萬口懽喜行人蒙福君故口口從事
兩舉孝廉尚口口口巴郡胸忽令換漢中成固令口口宜禾
都尉

在襄城縣石門近歲帖估始有鬻此本者

禮器碑

永壽二年

禮器碑陰

禮器碑側

鄭固碑

延熹元年四月廿四日

淮源廟碑

延熹六年正月八日

元吳炳重書本

孔宙碑

延熹七年

孔宙碑陰

華山廟碑

延熹八年四月廿九日

此本舊藏商邱宋漫堂 學家即長垣本也後歸成邸今為劉

燕庭所得燕庭倩武原陳南叔克明雙鉤寄贈

武榮碑

無年月碑言遭孝桓大憂云云攷後漢書孝桓帝崩於永
康元年十二月榮之卒當在此時抑或在建寧元年也

武榮碑額

張壽殘碑

建寧元年五月

衡方碑

建寧元年九月十七日

衡方碑額

衡方碑陰

口南郡關故關故吏口北平口東關故口官口京兆關故吏郎
中關故民京兆口安口字關故民東平中口川關故民關門生
女陽關門生北口字子關門生北平關門生北口皮關門生北
門生北關門生關門生關門生關門生關門生關門生關門
生關門生關門生關

漫滅已甚此其中橫排一列可辨者二十三行其字如右汶
上路約齋榮光手拓

史晨奏銘

建寧二年三月七日

史晨後碑

夏承碑

建寧三年六月

世所傳者皆明唐曜摹本此則金陵張芷原復純依宋本重
刻者首題臧修堂摹本又鈐一印曰乾隆甲寅江寧張復純
屬如皋喬昱摹宋拓本其字無一譌誤亦無庸俗氣視唐本